

題目：滋味 「臺語」 蔡宗育

阿母愛啉檸檬汁
檸檬汁 酸酸閣甜甜
伊講親像戀愛的滋味

阿公愛食鹹酸甜
鹹酸甜 有鹹有酸閣有甜
伊講親像人生的滋味

弟弟愛含牛奶糖
牛奶糖 芳芳閣甜甜
伊講親像幸福的滋味

我愛食阿母煮的火鍋
火鍋料 豐沛閣腥臊
親像規家團圓的滋味

【詞語解釋】

啉 （喝）
親像 （就像）
鹹酸甜 （蜜餞）
閣 （又）
食 （吃）
豐沛 （菜餚豐盛）
腥臊 （菜色豐富）
規家 （全家）